

Thursday, May 29, 2025

Time - 2:30pm - 2:35pm

AKASHVANI AIZAWL

REGIONAL NEWS UNIT

CM

Chief Minister Pu Lalduhoma'n Mizorama Railway Station hrang hrang Hortoki, Kawnpui, Mualkhang leh Sairang a thawktu tur laknaah khawtual mi te duhsak bik turin Railway Minister hnenah rawtna a thlen.

New Delhi-a cham mek Chief Minister Pu Lalduhoma hian nimin khan Railway Minister Pu Ashwini Vaishnaw a kawmnaah rawtna hi a thlen a. Chief Minister chuan Rajdhani Express Service chu Sairang atanga New Delhi thleng tlantir tur leh Howrah Railway Service pawh Sairang atanga Kolkata thlenga tlantir a nih theih nana hma la turin Railway Minister chu a ngen a. Sairang atanga Tripura direct rail service a awm theih nana hma laksak turin a ngen bawk.

Heng bakah hian Sairang Railway station chu India ram hmun danga an kalpui mek ang bawkin world class railway station-a siam turin a ngen a, Railway Reservation Centre leh Parcel Management System din te, Sairang Railway Station-a Railway Internet Service dah ve tur tein a ngen bawk. Union Minister chuan tihhlawhtlin mai theih thil a nih thu leh hma a lo lak ngei tur thu a sawi a ni.

Nimin vek khan Chief Minister Pu Lalduhoma chuan 16th Finance Commission Chairman Pu Arvind Panagariya chu a pisaah kawmin Chief Minister hian kum lo kal leh tur atana Mizoramin 16th Finance Commission hnena Mizoram mamawh a thlen hrang hrangte a sawipui a. Heng zingah hian Thenzawl a Peace City Project te, Bana Kaih (Handholding) Scheme bakah Village Council ten fund tha zawk an hmuh theihna tura rawtna te chu ngaipawimawh sak turin a chah a ni.



PADMA SHRI

R. Lalrawna, Electric Veng, Aizawl chuan President Droupadi Murmu hnen atangin Padma Shri Award a dawng a, a dawnna hi chu Literature and Education huangah a ni.

SFX...Lalrawna

Pu R. Lalrawna hi kum 85 mi niin Electric Veng, Aizawlah a cheng a, thu leh hla lama a thawh hlawk avangin Padma Shri hi dawng tura thlan a ni a, Ministry of Home Affairs chuan Padma Award chi thum dawng turte chu January ni 25 zan khan a tichhuak a, Padma Vibushan dawng turin mi pasarih,

Padma Bhusan dawng turin mi 19 leh Padma Shri dawng turin mi 113 thlan an ni.

Pu R. Lalrawna chuan Akashvani News Aizawl nen an inkawmna ah Padma Award dawn chu chawimawina ropui tak anih thu sawiin amah thlangtute chungah lawmthu a sawi a, a rin loh lama chawimawina a dawng tur chu a lawm thu a sawi.

(Byte...R. Lalrawna)

Pu R. Lalrawna hi ziakmi niin lehkhabu eng emaw zat a tichhuak tawh a, thu leh hla lama a thawh hlawk avangin chawimawina a dawng nual tawh a, nikum khan Bhasav Samman Award (Sahitya Akademi) a dawng a, A lehkhabu ziah zinga Khawnglung Rûn chu Matric zirlai ah hman mêk niin lehkhabu lehlin Davida chu Translation Book of the Year atan thlan a ni bawk.



LESDE MINISTER

Labour, Employment, Skill Development & Entrepreneurship Minister Pu Lalnghinglova Hmar chuan Indian Institute of Entrepreneurship kaltlanga kutthemthiamna leh kutkawih eizawnna lama hma lak a nih theih nan inthlunzawmna tha Mizoramin a mamawh thu a sawi.

Minister hian vawiina IIE Guwahati a tlawhnaah he thu hi sawiin IIE hnuaia scheme kalpuite chu Mizoram chhunga an tih dawnah MSDE zawmtu department LESDE hriattir tur leh, anmahni kal tlanga kalpui thin turin a chah a, IIE Director chuan Mizoramah a taka hna an thawh tawh tur thu leh a bul tanna atan sikul thlan chhuah thenkhatah ruahtui khawlkhawm dan inzirtir a, a hmanruate leh a hnathawktute thlangin IIE kaltdangin ruahtui khawl leh a vawn himna an ngaihtuahsak dawn bakah naupangte tui ren chem, tui thianghlim khawl kawnga kaihhruaina pek paha entrepreneurship an zirtir tur thu Minister hi a lo hrilh a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar puan leh a ni ang.



WEATHER - RAIN AND THUNDERSTORM LIKELY

Meteorological Centre, Aizawl atanga thudawn danin naktuk hian Mizoramah ruah tam tak sur thei dinhmunah a ding a, thuneitute chuan mipuite fimkhur turin an chah.

Meteorological Centre Director Pu Sudheer Kumar Dwivedi a’n Akashvani palai a hrilh danin naktuk hian Mizoram pumah ruah a tam dawn a. District hrang hrangah thli leh ruah nasa tak thawk thei anih avangin mipuite pawn chhuak tam lo turin a chah a, mipuite chu fimkhur a, leimin lakah leh thing tla thei lakah fimkhur turin a chah bawk.



NUHM MODULE TRAINING

NUHM Module chungchanga nimina thukhawm chuan Mizoram-ah Urban Primary Health Centre (UPHC) 10 awmin thawktu 157 an awm mek thu a tarlang.

National Health Mission, Health & Family Welfare Department hnuaia National Urban Health Mission (NUHM) buatsaih Ni 2 awh tur NUHM Module chungchanga thutkhawmah he thu hi tarlan a ni a, NUHM State Nodal Officer Dr. Lalawmpuia Chhangte chuan NUHM chu Mizoramah kum 2014 atanga din tan a nih thu sawiin NUHM ah Urban Primary Health Centre 10 a awm thu leh UPHC tinah thawktu 157 an awm mek thu a sawi a. NUHM chuan urban area-ah miretheite hnen thleng phak a thlawna inentirna leh inenkawl chu a tum ber a nih thu a sawi bawk.

He Review Meeting-ah hian UPHC tina Medical Officer te leh Medical Officer Incharge ten an hnathawh dan report pe in an harsatna neih te an tarlan bakah hmasawn zawka kal dan tur chungchang te sawiho a ni bawk.

